

水滸續集



征四寇目錄

- 第一回……………柴進簪花入禁苑……………李逵元夜鬧東京
- 第二回……………四柳村除奸斬淫婦……………三對證表義見英雄
- 第三回……………燕青智撲擎天柱……………李逵壽張喬坐衙
- 第四回……………小七倒船偷御酒……………李逵扯詔謗朝廷
- 第五回……………吳加亮布五方旗……………宋公明排八卦陣
- 第六回……………梁山泊十面埋伏……………宋公明兩贏童貫
- 第七回……………十節度議收梁山泊……………宋公明一敗高太尉

- 第八回……………秦明雙奪韓存保……………宋江兩敗高太尉
- 第九回……………張順鏖漏海鯨船……………宋江三敗高太尉
- 第十回……………燕青月夜遇道君……………戴宗定計賺蕭讓
- 第十一回……………梁山泊分金大買市……………宋公明全夥受招安
- 第十二回……………宋公明奉詔破大遼……………陳橋驛揮淚斬小卒
- 第十三回……………宋江兵打蓆州城……………俊義大戰玉田縣
- 第十四回……………宋公明大戰獨鹿山……………盧俊義兵陷青石峪
- 第十五回……………兀顏光陣列混天象……………宋公明夢受玄女法
- 第十六回……………宋公明破陣成功……………宿太尉頒恩降詔
- 第十七回……………五台山宋江參禪……………雙林渡燕青射雁
- 第十八回……………宿太尉保舉宋江……………盧俊義分兵征討
- 第十九回……………盛提轄舉義投降……………元仲良憤激出家

- 第二十回……衆英雄大會唐斌……瓊郡主配合張清
- 第二十一回……公孫勝再訪羅真人……沒羽箭智伏喬道清
- 第二十二回……宋江兵會蘇林嶺……孫安大戰白虎關
- 第二十三回……魏州城宋江祭諸將……石羊關孫安擒勇士
- 第二十四回……盧俊義計攻獅子關……段景住暗認玉欄樓
- 第二十五回……宋江夢中朝大聖……李逵異境遇仙翁
- 第二十六回……喬道清法迷五千兵……宋公明義釋十八將
- 第二十七回……卞祥賣陣平河北……宋江得勝轉東京
- 第二十八回……徽宗降敕安河北……宋江承命討淮西
- 第二十九回……高俅恩報柳世雄……王慶被陷配淮西
- 第三十回……王慶遇襲十五郎……潘村樓黃達鬪楊
- 第三十一回……王慶打死張太尉……夜走永州遇李杰

- 第三十二回……快活林王慶使棒……段三娘招贅王慶
- 第三十三回……宋公明兵渡呂梁關……公孫勝法取石祁城
- 第三十四回……李逵受困駱谷口……宋江智取洗陽城
- 第三十五回……宋公明夜遊玩景……吳學究帷幄談兵
- 第三十六回……燕青潛入越江城……李雄敗死白牛鎮
- 第三十七回……孫安病死九灣河……李俊乘雪渡越江
- 第三十八回……公孫勝馬耳山請神……宋公明東鷺嶺滅怪
- 第三十九回……宋江攻打秦州城……王慶戰敗走胡朝
- 第四十回……公孫勝歸養親聞……宋公明敕征方臘
- 第四十一回……張順夜伏金山寺……宋江智取潤州城
- 第四十二回……盧俊義分兵宜州道……宋公明大戰毗陵郡
- 第四十三回……寧海郡宋江弔孝……湧金門張順歸神

第四十四回	宋江智取寧海軍	張順魂捉方天定
第四十五回	盧俊義分兵歙州道	宋公明大戰烏龍嶺
第四十六回	睦州城箭射鄧元覺	烏龍嶺神助宋公明
第四十七回	盧俊義大戰昱嶺關	宋公明智取清溪洞
第四十八回	魯智深杭州坐化	宋公明錦衣還鄉
第四十九回	宋公明神聚蓼兒洼	徽宗帝夢游梁山泊

第二十三回

魏州城宋江祭諸將

石羊關孫安擒勇士

籌算重奇謀，英雄一鼓收。刀聲昏日慘，冤魄暮雲愁。勝氣離南寨，威風抵

魏州。堪傷遣陷將，徒爾覓封侯。

話說孫安對宋元帥曰：『小將自投帳下，未有寸功，今日願引本部衆兄弟去取魏州。』
宋江大喜，教孫安爲前部，張清夫妻爲中軍，關勝、唐斌四將爲後隊，去取魏州。孫安等辭了宋江，引兵逕奔魏州，離城五十里下寨。孫安對張清曰：『魏州城有兵馬都監葛延樞，樞密便良仁，同十個統制官屯軍十萬在內，不可輕敵。』張清曰：『且將軍馬分屯兩營，准備交

錄。

却說魏州城兵馬都監葛延統領七萬大兵，極密使良仁又有統制官十員，各統兵一萬，聞知宋江捉了田實田豹，因此防備宋軍。只見探馬報道：『宋兵臨城。』良仁便遣鳳翔王遠引兵三千出城迎敵。鳳翔出馬。孫安便令降將金真出迎，大叫：『鳳將軍如何不識天數！』鳳翔大怒，挺鎗出戰。二人戰上五合，金真賣個破綻，勒馬便走。鳳翔趕來，金真探取飛鎗標去，把鳳翔標死馬下，招動人馬揮殺。王遠又被瓊英殺死。城上見兵敗，堅閉城門，五日不出。統制官沙仲義曰：『某有一計：四門掘下陷坑，明日等他來搦戰，詐敗佯走入城，不要關門，他必驅兵入城，教他都陷在坑內。』良仁曰：『此計大妙。』即令軍士掘下三丈深坑，上用浮土虛蓋，專待宋兵搦戰。

却說關勝兵到，孫安接入。

關勝問曰：『將軍勝負如何？』

孫安把殺鳳翔王遠告知。

關勝大喜，即親自引兵出戰。葛延開門，引馮大本、袁恭、沙仲義出城。兩軍對陣，衆將廝殺，不分勝敗。金真、梅玉見關勝戰葛延不下，便出馬相助。馮大本、沙仲義撥馬便走。金真、秦

英、楊芳、梅玉、王信、李忠、馮昇、陸清、林茂、宋得這新降十將，招動人馬趕入城，連人帶馬都跌入陷坑去。兩邊埋着鎗手，盡行擲死在陷坑內，一千軍馬不留一人回陣。有詩歎曰：

竭力輸忠氣勢吞，英雄到此亦堪憐。功勞未遂身先喪，千古英雄淚滿襟。

前軍報知關勝，關勝急回報與孫安。孫安聞知，大哭曰：『不想今日折了十將，有何顏

去見宋元帥？』瓊英郡主曰：『金將軍等十人既順了大宋，爲國出力，死而無怨。且商議

打魏州報仇。』唐斌曰：『城中糧食不多，可令人報與宋元帥，多着兵將四面圍城。若得

一將爬上城去，就倉廩內放火燒了糧食，不過三月，教他絕糧而死。』關勝從之，遂分兵四

面圍攻城池。

却說城中沙仲義對良仁曰：『若得一人殺出，投石羊山求救，方可解圍。』

正說之間，忽報城外搦戰。沙仲義曰：『可開門迎敵，教一人捨命殺出重圍去求救。』葛延親身出陣，令尤孟恭時鳳出城求救。葛延正遇着關勝，戰三十合，不分勝敗。時鳳使雙刀砍將去，文仲容輪大斧接住，戰不數合，文仲容一斧砍死時鳳。葛延見殺了時鳳，便走入城，閉門不出。關勝收兵回寨。

且說宋江在白虎嶺寨中，只見小校引魏州軍士來見宋江，報說：『孫將軍自引十員將打城陷死。』宋江聽了，大哭曰：『此十將爲宋江而來，今被陷死，我自領兵攻打魏州，與他報仇！』卽點撥大小三軍七十餘員，軍馬二十五萬，連夜起兵，餘下兵將守白虎嶺。先教戴宗去告知各寨。

却說關勝與唐斌商議攻魏州之計。正說之間，戴宗來到，關勝接入。戴宗曰：『卽日哥哥親來攻打魏州，特令小弟先來報知。』唐斌曰：『我有一計，就此機會，頭一隊并第二』

隊換了旗號，只做石羊山太廚房玄度救兵到，我等縱兵四散，他必乘勢開門追趕，約會兩邊拒住，填了陷坑入城。戴宗曰：『此計甚妙。』別了衆將，去對宋元帥等說知此事。宋江大喜，便喚董平并後隊人馬引軍五萬，大將一十八員，旗號改作石羊山太尉認旗，董平等皆依北軍打扮前去。

却說關勝等四面攻城。

沙仲義對良仁曰：『只可堅守，等救兵到，方可出城迎敵。』

沙仲義親上城來看守，只見前面一隊軍馬雲集而來。看看至近，只見孫安兵不攻城，四散而走。沙仲義望見是太尉房玄度旗號，只道是石羊山救兵至，即開四門，分投殺出。盧俊義引兵作北兵從東南路殺來，董平從西北路殺來。城內軍馬見圍兵逃走，只顧追殺，早被董平奪了魏州。董平盧俊義拒住西北二門，教軍士兜土填坑，不一時就填滿。關勝傳令不要填南門，內有十將尸首。

葛延方知中計。

宋江教圍捉葛延方兵將，令喬道清作法拒住，河北十將都被捉縛了。

盧俊義傳令教坑內尋起十將尸首，把棺木盛貯。宋江入城，州衙坐定，衆將綁縛十將跪下。關勝曰：『葛延英勇，哥哥免他一死，收在部下。』宋江便問：『葛將軍，你肯降否？』葛延曰：『生作田虎將，死爲河北鬼，願請快刀。』宋江不忍加誅。十將齊曰：『寧隨葛將軍同死，不願降也。』吳用曰：『既已不願降，殺之以全其名。』遂令將十人剖取心肝，祭被陷十將。有詩爲證：

指揮空返魯陽戈，義士相憐怎奈何？千古精忠猶不泯，十人魂魄赴南柯。

小校把葛延等剖心取肝。宋江令備香燭，令蕭讓作祭文，親引諸將到南門，擺下犧牲，將十將心肝掛在門柱兩邊。蕭讓手執祭文，望空宣讀：

大宋正元帥宋江，謹以犧牲并仇人心肝，致祭舉義新降十將金真等死忠之魂。嗚呼！天生豪傑，忠勇性成。胡爲遭奸，陷葬靈魂！仇人心肝，剖取致奠，以伏爾冤，以慰爾屈。河北平寧，班師申奏，榮及子孫，膺受官誥。靈其有知，來

格來歆！尙享！

蕭讓讀畢，宋江放聲大哭曰：『汝等指望榮妻顯祖，不想今日死於非命，乃宋江之罪也！』孫安等衆將皆勸曰：『爲國盡忠，死亦何悔？請元帥自省煩惱，商議行軍之策。』宋江止淚。有詩爲證：

舉衆來歸義氣深，天生豪傑遇知音。
轅門失計遭亡命，致祭悲哀表寸心。

當日宋江令裴宣標寫唐斌功勞，設宴與衆兄弟飲酒。宋江議打石羊山。孫安曰：

『小弟願引兵前去。』宋江便令裴宣點兵三萬，大將二十員，分爲四路起行：第一撥孫安、孫岳相士成、胡遠、解珍；第二撥秦明、花榮、董平、白玉、潘迅；第三撥孫立、時遷、姚期、姚約、潘連；第四撥喬道清、張清、瓊英、盛本、葉清。四路各引兵五千，投石羊山進發。

小校探知，報與主將。房玄度急引大將十員，雄兵三萬，離關下寨迎敵。孫安大叫：

『房太尉！今田虎氣數已短……』房玄度大罵：『反賊！國家有何負你！』遂挺鎗直取孫安。二人鬪三十餘合，不分勝敗。解珍便舞鋼叉直取玄度。玄度力戰二人，全無懼怯。被解珍一叉正中馬腿上，把玄度揪下馬來，被孫安活捉住。正回馬間，只見花榮、秦明

中隊後隊人馬都到。衆皆相見。孫安曰：『可乘此勢進兵，直抵石羊山，殺入關內，一舉可得。』

衆然其言，拔寨俱進，直趕至石羊山。石羊山守將皆知孫安手段，不敢拒敵，皆倒戈投降。孫安上關屯住，令人請秦明等衆將到石羊山設席慶賀。瓊英等勸房玄度投降。玄度曰：『願降。』衆將皆喜。

孫安令解珍葉清二人到魏州來請宋江。宋江便問曰：『石羊山勝負何如？』二人曰：『石羊山守將房玄度已被孫安活捉，降了三萬雄兵，特來請哥哥。』宋江大喜，即令解珍葉清先去報知，隨後拔寨起兵。

畢竟孫安如何，且聽下回分解。

第二十四回

盧俊義計攻獅子關

段景住暗認玉欄樓

英雄已矣更何論，渺渺空飛漢帝魂。
狐鬼幾年悲紫塞，琵琶萬里泣黃昏。

西湖草木萌春意，南極星辰動海門。
誰念前朝輕社稷，怨歌惟有舊王孫。

話說解珍葉清先回報與孫安，孫安傳令教孫岳胡遠相士成下關遠接。宋江人馬入關扎定，衆將參拜已畢，孫安引房玄度來見宋江。宋江撫慰已畢，就令裴宣取過空頭官誥，填授都指揮之職，卽教排筵慶賀。

次日，商議起兵打獅子嶺。孫安曰：『小弟願往。』
喬道清曰：『關內是田虎妻舅何

彥呈守把。他有九個兒子，號爲「九龍」；又有教師汝廷器領兵五萬守住關口，萬不可敵。須用智取，方可成功。」宋江遂依其議。裴宣分撥兵將：第一隊：孫安呼延灼鄒淵鄒潤于茂。第二隊：吳用馬麟柴進石勇申屠禮。第三隊：公孫勝喬道清張清戴宗時遷。三路各引兵一萬，別了宋元帥，逕投獅子嶺來。有詩爲證：

車轆轤，馬蕭蕭，征人弓箭懸在腰。仁兄義弟遠相送，砲聲直上千雲霄。兄

弟執盃來勸酒，旗旛掩映魏檀橋。英雄盡有拔山力，道德皆能起石羊。三軍

努作虎狼威，二帥氣量天地窄。天罡地煞偶相同，奉君敕命征河北。河北遙

遙二十州，關山茫茫雲氣黑。新降英雄名孫安，胆氣冲冲壯刀戟。智謀自出

加亮翁，能使神號并鬼泣。君不見，東漢時，中興嚴光智有餘，衆人材藝未必如。

公孫勝，喬道清，天差仙翁助聖明。宋江本是天上星，契義紛紛衆弟兄。馬蹄

到處狼烟息，劍氣纔臨策太平。君不見，趙太祖，打下軍州四百座，身經七十有

餘戰。英雄不似宋公明，出身吏目鄆城縣。殺盡天下奸與邪，此時方稱男兒

願。

却說孫安領兵前到獅子嶺魏壩橋屯住。打探小校報與汝廷器。廷器對何彥呈商議，將軍馬分作三路迎敵：第一撥何常何遠安仁美孔容秦廣；第二撥何春何昇何奎何定柏森；第三撥汝廷器何樂何玉何班孫彥成；三路各引兵一萬迎敵。

何常出馬與呼延灼鬪三十合，何常力怯，回馬便走。安仁美挺鎗與呼延灼便鬪。鄒淵

接住安仁美，鬥到三十餘合，鄒淵敵他不過。鄒淵便出馬夾攻，安仁美全無懼怯。于茂輪

斧砍去。安仁美獨戰三將。吳用見了喝采，急傳將令：『不可殺傷，有能生擒者重賞。』

孫安曰：『重賞之下，必有勇夫。』手提雙劍，直取安仁美。仁美回馬便走，被孫安一劍砍

翻戰馬，却被呼延灼活捉來見吳用。吳用親解其縛。安仁美伏於地曰：『無能敗將，乞求

快死。』孫安曰：『歸順宋朝，必有重用，不知尊意何如？』安仁美被孫安勸了，只得順從。

吳用大喜，即與衆將商議打城。呼延灼曰：『小弟願與孫將軍前去。』吳用從之。